



南明紀遊詩集序

南明紀遊詩集序

柱史西野黃公按滇之明年東巡至於臨安秉飭
憲度申做有位罔斁罔越事既竣乃從分守芹溪
沈公兵憲虹泉蔣公之請載遊南明洞天因洞命
名奮藻識意悠悠風雅允矣可傳公而下次韻賡
和者若干篇什郡伯鄧山章侯輩將彙集成帙乃
詣元而言曰嘗聞地以人成勝事由今作古昔吳
台僻區憑溪遐域一得賢人品題至今名標奇紀

南明紀遊詩集序

南明紀遊詩集序

然則南明紀遊斯集非徒以其詞而已矣子可無
言以傳之乎元曰斯予責哉夫滇拓地西南去中
土萬里遼邈吾臨又其東鄙之極者然大虛融結
為川瀆為山阜豈無託靈竒挺者具於其間乎顧
近智守見易於忽遠夏蟲疑冰駭於習聞是以雖
有竒挺而人鮮或知雖知之而亦不以表見也西
野公是舉豈惟洞靈遂直郡志增勝哉推此義其
不遐遺揚側陋之公可槩矣且自嘉靖辛亥以來

元夷構禍吾臨災切剝床夏月與師左轄殞宿當
是之時陷軌之卒腥於野戰負任之旅疲於繼供
民不堪命甚矣公初受

命志切澄清隱若桐瘵在躬者及按轡于滇元兇告
殫謨謀廟筭動在萬全乃與黔黎安養休息今入
吾臨之疆見其田野辟教化興時和年豐勞息飢
食民無冤獄道不失遺公由由然樂焉曰茲兵憲
郡伯之賢乎不然胡暮年而不變若此也夫人樂

斯陶陶斯咏南明之有此什也宜哉說者謂岳陽樓記希文本先憂後樂之志成之西野公殆視茲軌矣矧茲洞也其外平而不陂其中豁而有容其垂如隊其屹如柱其成象瓌富而萬物各具其兩竅開明而日月普照是故平作恕容作寬如隊作謙如柱作執瓌富作變開明作哲有君子之道六焉西野公按滇之政大較具此語曰智者樂水仁者樂山非夫誘情蓋言具體也其諸南明詠遊之

義歟雖然未也昔羊叔子登峴山謂鄒湛曰自有宇宙便有此山由來賢哲登此者多矣皆湮滅無聞湛曰公德冠四海聞望當與此山俱傳元嘗誦此以為山之以人而傳也如是夫今西野公平那氏之亂兵不刃血而活滇人億萬之生其德當不在叔子下者他日南明之傳安知其不峴山耶元愚管幸得糠粃之前亦或賴以不朽云

賜進士第兵科給事中前翰林院庶吉士江都李遇元序





南明紀遊詩

南明洞天

句町之山多洞壑率幽深窅突非列炬不可
 入茲洞盤旋屈折不能二百步而仰開三竇
 天光晶晶然可別鬚眉蓋他洞所絕無也當
 口處僅一竅大如甕荒榛野蔓又從而翳之
 雖土之人無知之者今年秋予按部臨安公
 暇偕大叅芹溪沈君兵憲虹泉蔣君遊萬象

洞天過而疑焉命從者從窾旁擊之聲蓬蓬然中若有應之者知其洞也遂雉而門焉導而入直窮堂隩豁舒曠衍可容數百人氣核水沫胚臍凝結奇形詭狀紛錯空嵌令人心驚目眩應接不暇昔人謂神仙之所窟宅非歟或曰即諸洞莫之能過予謂茲洞自開闢來便有之顧今日乃始見知於人豈造物者固自秘靳不輕以示人耶抑亦待時而後顯

也予適遘其時耳敢謂茲洞之有意於予哉因名之曰南明洞天而系之詩云

方外遺踪古洞天
夔羅深鎖翠微連
晴窓窈窕晶光入
凍壁離奇滴乳懸
白日雲腥龍欲起
碧枝烟暝鶴初旋
山靈久秘無人識
掃石留題紀到年

萬象洞天

一竅誰將混沌開
瓏璁應向地中迴
崖幽不遣塵埃到
谷響惟聞風雨來
樓閣千年懸石竇
實芙蓉萬

疊巖秋苔尋仙似入藍橋路洞中水處必橋而度之
對酒真同白露杯

寄題岩洞

聞岩洞之勝稔矣方擬遊而秋水適至因賦
長句命指揮王龍鑄之壁間志慕焉庶他日
來尋舊約洞靈或不以我為生客也

萬壑逶迤天際來歸墟近在白雲隈波通漲海晴
吹霧谷轉盤渦晝起雷珠窟夜光搖砥柱石幢寒

影護仙臺風湍咫尺烟霞隔悵望碧桃花自開聞
岩畔多桃樹雖冬亦花

嘉靖癸丑七月之朔

巡按雲南監察御史栢蒼西野黃中書

附錄

七日芹溪大叅缸泉兵憲邀飲海上歸舟阻風
七日招邀海上遊佳期且莫問牽牛鵲橋何似仙
槎穩廉渾不同星漢流烟外樓臺明落照沙邊簫

鼓動清秋波臣亦解留人意故向歸颿掃石尤
遊湧金寺

峩峩金地碧山頭
霽景登臨愜勝遊
下界人家邊
水次上方僧磬入
雲流林光晚帶厨
烟薄海色寒
分驛樹秋斜日酒
闌懷謝眺青天
搔首重淹留

六涼道中見竒石林立馬上口占

空山萬壘芙蓉石
天匠錘鏤亦太竒
曉日清朝班
劔笏陰風長谷舞
蛟螭浪傳海上成
橋剌漫說天

邊補漏遺立馬徐看真可拜
當時錯笑米家癡

次韻詩

遊臨安諸洞和

侍御黃公有作三首

芹溪沈宏

分守參政
浙西人

仙境巖幽別有天玉階瓊戶迥相連
寒侵暑席冰岩斷光動靈崖隙日懸
自古神奇今顯露不妨驄騎久盤旋
明朝客路烟霞隔流水桃花惜往年

右南明洞天古無名人所不知偶芟披得之定
今名

天外群仙洞府開無窮玄幻此中迴九關虎豹驚
神在萬樹玲瓏斲玉來芝燦紫霞流碧髓梯懸丹
嶠鎖蒼苔瑤臺對酒清人骨勝處真逢阿母杯

右萬象洞天即俗云乾洞易今名

尾穴潛通海外來風濤奔赴碧山隈仇池萬古寒
中勝禹窟三門地底雷潮送彩霞涵日月鑑分寒
玉炫樓臺桃源却恨嫌人到夾谷青松望裡開
右九曲仙源俗云岩洞落水穴也時以水阻不

至賦此以識

寄題南明洞天

木涇周復俊

兵備副使
姑蘇人

昔從金馬遊初承碧雞賞
晞髮雞足峰窺日太華

掌秋臨積波池挂席凌滉漾
滇國饒靈山沿越恣
迴往緬懷南明秀陵跨詎虛罔
僂冥餘窟宅人區
限方廣淪隱迷年祀濟發自今曩
道湮闕往運數
開獲奇獎

名公理南服攬轡澄遐想
剔荆盡蕪類登崇悉昭
朗庶僚洽明肅百雉茂沉枉
遵原升嶽崙揚於越
莽蒼鬱鬱哉崇阿胡為蔽
榛蕩旁曲既窈深中窵
乃空蕩辟若發覆矇若然即
明曠璽石控詭態懸

乳森殊象脩林流圓陰幽泉激哀響青霞何徘徊
丹雲互下上可以娛性智可以陶鬱快肇錫休嘉
名焯炳犀璠榜欲辭鐫穹崖山祇挹英爽蹇予山
水襟咫尺星塵鞅應期驟長離松巖一偃仰

南明洞天次韻

碌溪繆宗周

四川布政通海人

古洞遐方別有天
巖竒不與近山連
藤門隱約寒煙鎖
石竇玲瓏萬象懸
旭日初開仙羽集
臥龍欲蟄瑞光旋
蠻夷咲舞瞻風采
刻石留題紀盛年

萬象洞天次韻

僊踪何處洞門開
石象森羅向日迴
舟溯桃川花欲滿
丹傳勾漏客初來
擬同江上題黃鶴
漫向山中掃碧苔
高興追隨慙未及
獨將幽抱付深杯

岩洞次韻

天際群仙鶴駕來
招隨時向碧山隈
洞連花判涵晴日
水接龍湫起震雷
萬里貢修迎按節
百年詩思見登臺
病夫歸老逢秋熟
亦覺田居酒興開

南明洞天次韻

桐岡葉瑞

戶部主事
臨安人

使節南巡疑二天雲歸石岫萬山連
驪珠晶映秋毫察楚王光華碧落懸
花甲浮塵驚代謝仙傳虛室每周旋
霜蹄刺刺豺狼遁父老郊迎報有年

萬象洞天次韻

洞門應是六丁開八駿無聞到此迴
萬象奇觀真幻出貴遊創見自天來
彩毫已逐揮新句繡錦何妨坐濕苔
翹首家原如鴈碭天涯聊共篠筒杯

寄題岩洞次韻

觀風若為洞靈來秋雨溟濛漲洞隈
豸服欲稱臨野席蛟潛驚起作鳴雷
窮閭無分瞻天使山鬼徒勞候憲臺
形色招來皆樂意臥遊亦自好懷開

南明洞天次韻

肅菴楊僕

前戶科都給事中
臨安人

雲山重疊隱壺天閨苑迢迢暗接連
幽靜更無塵土澆虛明不減日星懸
花開洞口人誰覺水遶仙家月共旋
驄馬有緣過萬里題詩傳播自今年

萬象洞天次韻

紅塵淨處石門開
萬象森然星斗迴
春滿洞天花不謝
雲凝仙地豸初來
風泉步步聞清籟
岩溜時時浸碧苔
又向煥山增一景
漁樵相傍醉霞杯

寄題岩洞次韻

空谷傳聞繡斧來
西風吹雨洗山隈
林間霧氣妨飛蓋
澗底濤聲吼暗雷
芳草漫遮馴鶴徑
野雲偏占釣魚臺
南明竒遇真天啓
岩洞神游懷共開

題南明紀遊詩集後

此我

臺察括蒼黃公南明紀遊之作也士元 錢梓成集題

未簡曰夫洞于山竒矣加象焉通明焉竒之又竒

不於內地而邊徼是托天其以是靈茲土也與吾

于洞也又奚惋焉抑天地精英之氣磅礴鬱結發

為竒詭以有茲洞其于人也為名賢世之君子高

朗貞潔勲名榮利之事一不睥睨而特於茲名勝

加倦倦焉此豈偶然而已哉雖然公嘗躋岱宗越
嵩華翱翔天台雁宕所歷名勝不知凡幾一觀南
明鑒賞特異公之具眼也夫抑南明之遭也夫
嘉靖甲寅春仲上巳日臨安府知府吳郡章士元
頓首謹書

南明紀遊詩集

終



